


詩

李相國集
三



東國李相國全集卷第六

古律詩九十二首

孰徐歲五月日將遊黃驪初出東門馬

上有作

黃驪乃吾桑梓鄉也

去去指鄉路悠悠出國門
離腸輪百轉征淚雨
雙翻綠樹烟猶重
蒼崖日漸暝喚人鶯舌巧
送客鳥聲喧
遠別亂心緒
早行餘睡痕
歸驂不可緩
荒草蕭陶園

憩施厚館

舊有文園病
盛夏復遠遊
試嘗一甌茗
冰雪入

我喉松軒復暫息止覺渾身秋童僕殊未解怪
我久夷猶我性本曠坦所至任意留得坎即可
止乘流即可浮此留有何惡彼去有何求大哉
乾坤內吾生得休休

渡臨津

扁舟駕浪疾於飛水氣淒涼逼客衣綠岸有時
雙鷺立碧天何處一帆歸山舍紅日低村樹風
卷銀濤碎釣磯初出東門尚惆悵渡江無奈益
依依

宿沙平津

遊女冶容多効妓居民祝髮半為僧江喧始識
潮聲漲地熱那堪瘴氣蒸

江上待舟

朝日初昇宿霧收促鞭行到漢江頭天王不返
憑誰問沙鳥閑飛水自流

泛舟

江遠天低襯舟行岸趁移薄雲橫似素疎雨散
如絲灘險水流疾峯多山盡遲沉吟費翹首正
是望鄉時

宿雙嶺

路入荒榛怯日斜忽聞啼犬認人家孤村畏盜
猶橫戟古院逢僧暫試茶萬里歸雲閑送鶴一
溪高柳靜藏鴟此身會作江山主聞道黃驍似
永嘉

黃驍
名黃驍

初入黃驍二首

跨驢才度嶺縣枕碧江頭水國移蓬島人家住
涖州地形如走虎山勢似騰虬已脫王城厄還
休客路遊鄉親尋版籍農畝問先疇置酒呼田
叟勤咨力穡謀

草草事行李茫茫涉梗艱燎鬚隨病妹扇枕憶

慈顏時母在尚非在上國風塵暗南州日月閑此邦堪

玉著端稱養疎頑

與鄉黨二三子遊馬巖

雙馬權奇出水涯縣名從此得黃驪

黃馬驪馬出水故名

之詩人好古煩徵詰來往漁翁豈自知

醉遊下寧寺

偶到湖邊寺清風散酒醺野荒偏引燒江暗易
生雲碧嶺侵沙斷奔流夾岸分孤舟何處泊漁
笛晚來聞

李進士大成邀飲席上走筆贈之

憶昔放意京華春白玉樽前爛醉身如今浪跡
江城裏碧山萬里薄遊人斷雲落日不忍見細
雨斜風空慘神多君邀我慰羈旅玉杯漱灩生
金鱗紅裙數隊時世粧哀歌一曲動梁塵主人
起舞屬我彈把琴欲弄先霑巾四筵賓客各相
顧問我何事多酸辛荅云近者王城亂白日九
街殷血新我亦僅免崑岡焚離沉艱厄難勝陳
危腸觸地即嗚咽况此嶺外烟霞晨痛飲粗堪
寬我恨請君更酌三四巡

縣宰邀宴江樓明日奉贈

山水清妍敵十洲使君邀我宴江樓郡人扶腋
先生路大勝朱翁畫錦遊

岸上好花倡妓艷樓前流水長官清玉樽未倒
青山暮綏管哀絃尚殢腸

泛小船

鄉校諸生為予具船揖泛江

桂棹蘭舟截碧連紅粧明媚水中天釘盤纔見
團臍蟬掛網還看縮項鰖十里烟花真似畫一
江風月不論錢沙鷗熟聽笙歌響飛到灘前莫
避船

六月十一日發黃驪將向尚州出宿根

谷村

予田所在

入山蒙密初迷路村人過嶺相迎去畦丁羅拜
似獼猴嘍囉頻帶南蠻語田家主人瘡髮黃邀
我欣然具雞黍髯奴舁甕走汲泉癯姬洗臼力
舉杵三尺山樽腰腹皤松明吹火酌芳醕堂下
曲腰爭磬折堂上脫幘自箕踞酒酣徑卧弄甔
鼻僕夫秣馬天已曙

黃驪鄉校諸生為予具船楫乘月泛江
至五更方罷時大醉不能作長篇以答
厚意明日將向尚州出省根谷村以記

昨日遊賞之樂以謝鄉黨二三子云

一簇蒼山根寒江開碧鑑黛色曉連娟縠紋晴
漁豔肯攜二三子盡鷁凌晨泛極浦水漫漫長
天遠如蘸清壺瀉綠醅密席羅紅臉金釵舞前
落寶扇歌底掩哀箏雜慢管遠逐風磨颭晚泊
白沙汀綠樹繫紅纜落日隱半規到山聞暮梵
時泊舟入一寺入夜又放船月色清可攬浦口觀叉魚
銀刀亂相枕膾雪隨刃飛馱飯不可啖商笛聲
斷續漁燈影明暗終宵宴不疲浮白聊快飲好
在鏡湖水何時賜賀監更待明年春浴沂吾與

點厚意何以酬短投無奈慙

馬上有作

一別水仙鄉騰裝適南荒六月行萬里白汗翻
如漿行疲又上馬上馬睡欲僵渴飲山下泉泉
水極探湯童奴喘不息屢擇樹陰涼幸非就國
者行李不須忙

書聊城驛樓上

興來命駕困來安多謝乾坤放我閑可惜郵亭
白頭吏一生都擲馬蹄間

時老吏隳馬有病

六月十四日初入尚州

尚州古者沙伐國王侯第宅無餘基干戈百戰
生死地唯有江山閱盛衰國破為州州作國古
往今來非一時地形真似虎起伏繚垣千里何
逶迤竭來困卧日正暮未暇著眼窮搜奇天明
出遊試覩縷魚鱗萬屋龍纏柄蛾眉齊拜瑤佩
鳴聞有紫雲知是誰

題鳳頭寺

寺古山猶碧僧高地更清野雲含雨意松籟偕
秋聲落日鷗邊耿殘霞驚外明詩人餘習氣摘
葉寫幽情

次韻崔書記正份

舊日遙中誰識我三行粉面不曾迴
王郎謬敬遊邛客果有文君夜出來

寓花開寺贈堂頭

時以病寓居

暫得休休樂聊償役役勞
石泉飛赴遠松蔓走緣高
草際蟬遺蛻林間鳥墮毛
憑師容卜筭小隱此簪蒿

自花開到故人惠雲師所住龍潭寺留

題

空谷風猶響寒溪水自春
養憐支道馬呪下涉

公龍小圃澆靈木幽庭護稚松一聲清夜磬半
月落遙峯

八月一日示堂頭二首

細路縈紆入翠崖危樓突兀俯青霓
曉涼黃犢歸平野日午幽禽浴淺溪
滿院薜蘿纏壁暗傍窓楊柳壓簷低
欲知地僻無人到門外泥深鹿
印蹄

癭形本是列仙儒又學山中老
必翦金鴨焚香趨佛殿木魚催粥
借僧盃松風瑟瑟無絃曲烟
岫層層著色圖世上榮枯都是夢
邯鄲休歎駕

青鞵

八月二日

食罷禪房暫啜茶
半山紅日已西斜
坐呼階畔馴人鶴
卧聽門前警盜鵝
萬柳影中南北路
一溪聲外兩三家
卒然得句聊題壁
寄語閭梨莫翳紗

八月三日

陶愁憑醖醕
扶病賴枯藤
伏石頑龜縮
奔峯怒馬騰
無風松自籟
欲霽霧光蒸
素習愛雲水
前身莫是僧

漫成次古人韻

卧病聊寄老禪居頭上空驚歲月徂脚待舁籃
陶令病腰難勝帶沈郎癯空山雨暗孤猿嘯苦
竹烟深一鳥呼窓下枕書方熟睡沙彌喚起勸
臯虞

八月五日聞羣盜漸熾

羣盜如蝟毛生民洒腥血郡守待戎衣望敵氣
先奪尚未掃蜂毒况堪探虎穴嗟哉時無人誰
繼來嚼鐵賊臂捷於猿放箭若星瞥賊脛迅於
鹿越山如電滅士卒追不及聚首空呀咄幸能

觸其鋒物故十七八婦女哭夫壻髮首吊枯骨
荒村早關門白日行旅絕今年况復旱望雨甚
於渴田野皆赤土未見苗芽富屋已憂飢貧
者何由活朱門日吐茵百爵耳自熱高堂森王
簪密席擁羅襪但識門燠灼不憂國榷杞腐儒
雖無知流涕每嗚咽嗟非肉食徒未掉直言舌
已矣若為陳天陞無由謁

八月七日黎明發龍潭寺明日泛舟龍
浦過洛東江泊大灘時夜深月明迅湍
激石青山蘸波水極清澈跳魚走蟬俯

可數也倚船長嘯肌髮清快洒然有蓬
瀛之想不覺沉痾頓釋江上有龍源寺
寺僧聞之出迎於江上固請入寺予辭
之邀僧至船上相對略話回題二首

水氣淒涼龍襲短衫清江一帶碧於藍柳餘陶令
門前五山勝禹強海上三天水相連迷俯仰雲
烟始卷占東南孤舟暫繫平沙岸時有胡僧出
小庵

清曉泛龍浦黃昏泊大灘點雲欺落日狠石捍
狂瀾水國秋先冷船亭夜更寒江山真勝畫莫

李太白集卷之六
作畫屏看

舟行

江海浩無際，烟濤千里碧。終日在湖中，久統泛
舟役。舊羨畫屏人，今作屏中客。波搖碎明月，水
落出孤石。商船一葉去，杳杳何處適。行入蘆花
洲，林霧翠滴滴。頭輕肌髮涼，不覺沉疴釋。

明日放舟不棹，順流東下。舟去如飛，夜泊元興寺前。寄宿船中，時夜靜人眠，唯聞水中跳出之魚，鱗鱗然有聲。予亦枕臂小眠。夜寒不得久寐，漁歌商笛相聞。

于遠近天高水清沙明岸白波光月影
搖蕩船閣前有奇巖怪石如虎踞熊蹲
予岸幘徙倚頗得江湖之樂噫江湖之
樂雖病中不可以不樂况乎日擁紅粧
彈朱絃得意而遊則其樂曷勝道哉得
詩二首云

碧天浮遠水雲島認蓬萊浪底紅鱗沒烟中白
鳥來難名隨地換山色逐舟迴喚取江城酒悠
然酌一杯

夜泊沙汀近翠巖坐卧蓬底撚疎髻水光瀲灩

搖船閣月影微微落帽簷碧浪漲來孤岸沒白
雲斷處短峯尖管聲嘲哂難堪聽須喚彈箏玉
指纖時使一吏吹笛

舟中又吟

紅鱗得自灘流白酒賒來沙戶此身漸狎漁翁
醉卧烟江夜雨

睡次移船

晴湖浪靜枕肱眠不覺篙工已放船夢罷回頭
沙岸異忽驚移繫綠楊邊

又泛舟

一棹漾流去蕭然八月秋落帆青草岸繫纜白
蘋洲燈暗風搖帳江寒月滿舟僕夫應怪我病
裏亦閑遊

又吟迴文

笛慢牽風遠舟行舞浪輕碧天秋夜靜寒月浸
湖清

江中鸕鷀石

輕舟溶漾信漣漪中有奇石名鸕鷀我恐鸕鷀
覓魚蟬喧呼翔集深江湄翻翻誤觸馮夷宅馮
夷怒吼雷電作風摧浪打兩翼折半出波間飛

不得肌分髓爛隨東流空有瘦骨留中洲
鮮侵沙澁化堅石尾入泥蟠頭半浮不
然安肯烟濤裏氣勢不死如昂起徵奇
詰異皆愛耳穿鑿成詩亦一戲不如買
酒盈金罍借汝為杓副以鸚鵡杯日飲
無何寫我憂一笑萬事如浮埃

是日入元興寺見故人珪師贈之

憶昔共遊長安中筭來一十四春風君
時氣壯未三十一身謂可趁飛鴻我亦
鬢綠最年少眼電爛爛如王戎別來雲
散各何處四海風塵雙轉蓬相逢一笑
撫銅狄迸淚無言意不窮師今

已非昔日容瘦與松頭老鶴同我亦老大心轉
縮無復昔日氣如虹論情未終各悽惻不覺半
峯斜日紅人生一世須臾爾早謝名利從支公

紅榴始熟珪公乞詩

頽卵撐枝幾許枚滿林欹倒醉中腮紅綃囊裏
藏紅粒要見霜風罄拆開

月夜聞子規

寂寞殘宵月似波空山啼遍奈明何十年痛哭
窮途淚與爾朱脣血孰多

八月十日珪公請題其院為賦一首

萬里高天斷鴈秋閑尋古剎碧波頭喧喧門外
千帆集寂寂巖陲丈室幽滿院松篁僧富貴一
江烟月寺風流莫言林下何曾見擺却浮名欲
退休

十一日早發元興到靈山部曲

探韻得
人字

靈山景僻邑客路尚荒榛歲儉有逋戶民淳多
老人黃鷄啼呢嗹蒼鼠出嘖呻數箇緇衣吏驚
馳似逐賓

行過洛東江

百轉青山裏閑行過洛東草深猶有路松靜自

無風秋水鴨頭綠曉霞猩血紅誰知倦遊客四海一詩翁

到龍巖寺書壁上

身到龍巖疑玉境口嘗龜井認冰漿門有龜井味甚佳

千金難賭僧窓味山雨浪浪睡一場

十六日次中庸子詩韻

羈紲不到處白雲僧自閑烟光愁暮樹松色護秋山落日寒蟬噪長天倦鳥還病中深畏客白日鎖松關

十七日入大谷寺

石路高低平不平閑騎果下彈鞭行輕風靜掃
烟光去落月時無曉色明短麓前頭看寺榜橫
舟側畔問灘名孤村何處吹寒笛抱疾他鄉易
惱情

初入龍宮郡

初入龍宮郡林端出麗譙渦圓官妓笑磬折縣
胥腰激水寒搖岸垂楊綠映橋居民皆地著
鷄亦逍遙

縣宰邀宴口占一首

喜看桃李滿河陽不意絃歌至虎城纖玉莫詞

彈錦瑟病中猶未減風情

十九日寓長安寺有作

到山聊得滌塵襟
况遇高僧支道林
長劍遠遊孤客思
一杯相笑故人心
天晴舍北溪雲散
月落城西竹霧深
病度流年空嗜睡
古園松菊夢中尋

二十一日泛舟河豐江

碧湖輕棹木蘭舟
滿目烟濤摠是愁
今歲漸非前歲貌
異鄉還憶故鄉遊
龍湫日暮腥雲合
鸞嶺秋寒瘴氣收
路斷方壺無計往
玉芝無奈老

李本國集卷六
十四
滄洲

是日迷路夜到脇村宿

入谷畏飢虎穿林驚宿鷗三家村裏宿何必問誰家

入尚州寓東方寺朴君文老崔金兩秀才携妓酒來訪口占一首

感君攜酒訪青山無限襟懷目擊間尚有狂心餘舊習屢擡雙眼注紅顏

朴崔二君見和復次韻荅之

羞看禿髮似秋山病後餘生夢寐間一歲三令

二分卧可憐從此換朱顏

九日二日書記開筵公舍見邀醉贈一首

犀鎮紅筵開盡堂綺羅交鬪玉簪光優人得意
多供笑官妓承歡屢整粧石竹裙翻微露襪櫻
桃口小細調黃紫雲在席誰先問忽憶公司御
史狂

憶二兒二首

我有一弱女已識呼爺孃牽衣戲我膝得鏡學
母粧別來今幾月忽若在我傍我本放浪士落
魄寓他鄉沉醉數十日病卧三旬強回首望京

關山川鬱蒼茫今朝忽憶汝流淚濕我裳僕夫
速秣馬歸意日轉忙

我有一愛子其名曰三百

予和吳郎中三百詩是日兒生月以為

名將興指李宗來入驚姜父甫生骨角奇眼爛

面復替磊落三學士作爾湯餅客

兒生七日吳郎中世文鄭

負外文甲俞東閣瑞

延來訪作詩相賀綴詩賀美璋詞韻鏘金石

願汝類其人才名輟元白我生少展眉得汝長

笑謔往往向人誇始得譽兒癖仲夏五月天初

別長安陌遷延客萬里忽見霜葉赤時節日遷

代我病日云劇無由撫犀顙惻惻傷腦臆

一十五日旅舍書懷

江城連日飲

指言黃驪

蠻國半年留衾薄踈鄉夢衣

寬洩旅愁霜華寒闌月山色冷磨秋為報臨邛

令相如久倦遊

南窓熟睡夢到長安覺而志之

南窓半日偷睡夢到洛陽城市覺來猶卧一床

已度千山萬水

憶長安

萬里江山一病身東華夢踏軟香塵長安不是

天難到漳浦沉嬰泥殺人

旅舍有感次古人韻

寂寞寄人宅淹延費歲華
麥花鋪白雪楓葉染丹霞
木老看垂菌池寒吊敗荷
長安何日到目斷碧天涯

九日訪資福寺住老留飲

門前不見白衣來
獨向僧家索酒杯
枝挿滿頭香滿口
免教黃菊恨虛開

思家

鴈信方三到蟾輪已五虧
荒籬殘露菊寒樹爛霜梨
最憶鷓鴣頭女還懷犀角
兒城東一區宅誰

肯葺茅茨

九月十三日會客旅舍示諸先輩

我李本仙枝家在紫霞洞與物本無機曾把漢
陰甕胡為人間世失意翻惚惘化衣散洛塵振
復作商頌堰蜓嘲龜龍鵠鴉笑鸞鳳何忍折我
腰突榜事偏醜長嘯出國門大江凌洄湧步趨
嶺猿輕吟苔山鳥哢咄咄固殊殷遑遑寧比孔
歷千百里侯無人記閑冗何恨岐中岐亦是夢
裡夢得酒每呼呌狂言屢驚衆糟肉慕陳暄井
瓶笑張竦間關到尚原兩足幾繭繻坐客皆詩

李杜詩集卷二
豪才名輕沈宋聊斟杜酒香為洗阮途痛笙歌
咽喧填左右紅粧擁玉鏡十眉開金盃千指奉
我醉拂玉琴快作數四弄此遊真可誇得意聊
自縱信義非吾士歸期迫飛鞚丈夫貴適志去
駐何須擇

聞官妓彈琵琶

切於湓浦船中聽哀却爲孫馬上彈始信絃中
真有舌聲聲似訴別離難

再遊鳳頭寺

揚州一覺青樓夢廬岳重尋白社栖花柳放時

兼放筆山僧何苦乞留題

九月十五日發尚州

耿耿殘星在曉隨
烏鵲興旅腸消薄酒病眼眩
寒燈行李如村老
囊裝似野僧歸田計未遂意
闕意難勝避世慙
高鳳知幾謝李鷹露深巾墊
角風勁袖生稜
石棧霜猶重雲崖日未昇
辭親兩行淚到曙尚霑膺

是日書記出餞新興寺次崔伯桓首題
韻

江南蕭瑟秋多謝
郎官餞遠遊纖玉莫彈

琴一曲絃絃揔帶萬般愁

書記使名妓第一紅奉簡乞詩走筆贈之

雲在雙鬟月作眉刀頭相見更何時十年不作
湖州守長笑多情杜牧之
男兒心作女兒心臨別殷勤淚溼襟旅橐空來
無長物投詩一首當千金

是日日暮朴君文老邀予往宿漢谷別
業夜歸置酒有作

並轡丹楓路青蛾細馬馱

時二妓從之

卸鞍喧櫪馬

擡炬落林鴟愛客期投轄遊仙到爛柯旅情多
感寓擊節自狂歌

明日見朴君所留壁上詩次韻

家倚青山短麓隅
匣藏琴劍度藏書
邇來懶答公卿問
猶笑華陽押隱居

十八日馬上有作示同行道士金之命

緩轡悠悠指驛程
耳邊猶帶管絃聲
忍教紅袖佳人去
妓欲從之固禁故云
獨伴黃冠道士行
煙外遠山愁黛斂
風前垂柳舞腰輕
聯鞍欲話心中事
馬上無端夢易成

暮入幽谷驛與金君飲酒贈之

多生曾結好因緣千里同遊僅半年門外青松
如我瘦階前綠竹似君賢蕭條郡舍三秋卧寂
寞郵亭一夜眠幸有還家餘喘在不愁歸路亘
綿綿

明日又作

溪谷別佳人幽谷別良友臨行復解鞍相對忘
言久強欲寬離愁酌此一盃酒酒薄愁轉深清
淚滴襟袖贈人莫如言我言君聽否富貴如浮
雲身世非我有子幸全其身慎勿為名累我今

向玉京非為青紫取待當婚嫁畢復此耕一畝
相見必有時胡為恨分手

路上又吟

萬里長途獨去身馬頭頻嚏為何人朝衰暮落
雙蓬鬢南去東還一萸巾統縣青山橫似郭滿
畦黃稻積如囤行人歌笑居人樂此是昇平第
幾春

總聊城驛次壁上詩韻

幽谷一宵中酒宿聊城半日解驂留歸來阮籍
空長嘯寂寞相如故倦遊郵吏送迎何日急使

李和園集卷六
華奔走甚時休唯予幸是閑行者來不煩人去
自由

題華封院

萬緣灰冷老居士尚有丹心愛
聖明天下蒼生皆請祝如何獨占華封名

十九日宿彌勒院有僧素所未識置酒
饌慰訊以詩謝之

稅駕入古院燥吻無由澆詩肩秋山聳旅恨風
旌搖吾師舊未識欣然肯相邀挂酒酌碧香霜
梨剝紅消已療靈輒飢復慰相如痛君看今人

交有似秋雲飄渺
凍誓昨日胡越視今朝多師
有古風名與遠公超遇士雖非素意合不謂遼
見我如舊執殷勤訊無慘此意何以報愧無答
瓊瑤

發忠州將指黃驪有作

踏遍東南路吾鄉欲去休更尋松徑樂深耽
天遊過嶺捫紅日循江瞰碧流忠原昨夜宿越
女笑難留

江頭暮行

路抱長川遠雲低曠野平天寒征鴈苦沙漲宿

鷗驚鬼火林間碧
漁燈雨外明
歸舟晚未泊
鷗
軋櫓猶鳴

復黃驪示李季才

歲半東遊歲杪還
光陰空擲道途間
秋霜染盡吳中樹
暮雨昏來楚外山
索底酒錢渾罄倒
篋中詩卷更追刪
多君獨言羈離客
置酒仍呼兩小鬟

宿潁江村舍

江邊放浪自忘形
日狎遊鷗傍渚汀
散盡舊書留藥譜
檢來餘畜有茶經
搖搖旅思風前盡
熏泛

泛孤蹤水上萍寄謝長安旧知己客中雙眼為誰青

馬巖會賓友大醉夜歸記所見贈鄉校

諸君

去國魂頻斷還鄉歲半徂拍天波蒼茫遶郭路
縈紆縣脉依山盡民風逐地殊初疑遊鄩杜漸
訝入湘吳沙戶魚為稅畋師鹿作租水荷歌競
倚松蔓倒相扶野艇尊鱸興仙裝竹鶴畱遠村
聞吹大古壁吊飢魃兀兀詩成癖昏昏酒泥愚
村羹烹土卵客俎馱山膚細愛子腰來香貫兒

李杜國食其詩
臂孤雪回看楚舞珠碎聽已歛劇飲腸應腐狂
呼膽益麀俗淳無毀譽正合著癯儒

遊水靖寺示住老

一餉繁華夢已空故鄉還與故人同煙岫遠似
粧眉綠霜葉濃於醉臉紅往日狂携金谷妓今
朝始禮雪山童陶潛習氣猶依舊尚恐攢眉對
遠公

將發黃驪有作

窮秋客南國今日向長安未護陶園菊空紉楚
畹蘭日輪吟外轉天幕醉中寬胡奈授衣月單

三正怯寒

二十九日發黃驪鄉黨諸公出餞於南
亭李秀才贈以詩即次韻答之

指點紅裙勸別鍾孤煙落日捻愁容十條纖玉
休牽手六尺飄蓬易轉蹤紅葉九秋聊暫別綠
楊三月約重逢尋盟異日知誰證記取庭前戴
雪松

渡沙平有作

久違鶴髮淚沾衣白別蛾眉帶減圍莫笑向京
無一物滿船猶載百愁歸

十月二日自江南入洛有作示諸友生
家在鳳城南北傍身遊蠻嶺三千里半年嵐瘴
換顏華面黑鬢黃如蠶子何況殘軀是病餘蒼
皮皴皺充可耻唯存瘦骨高於山十月單衫纔
掩髀親舊相逢定未知妻兒一見初相避
村邑煙火微數屋蕭條龜殼毀喜見京都風日
佳萬家遷迤魚鱗比李邕入洛故依然馬卿遊
邛還夢耳此行可笑不可誇寄語交遊勿嘲戲
我家新釀方壓槽聊復招邀客一醉

答諸公嘲

居士年來鉄作肝肯緣紅臉也消魂滿衣渾是
辭親淚誤認巫山暮雨痕

十月十九日有所訪以雨未果偶成

孟冬地閉錮可雪乃及雨鷄縮未離巢鳥霑難
振羽有懷同心人想像如瓊樹地爐擁一裘
几閣雙肘雖無蘸甲杯亦詠撚鬚句

送友人之尚州得嚴字

瘴國迢迢入柱南憐君輕觸曉寒嚴故人情重
登山送慈母恩深陟屺瞻母在尚州渡嶺雪愁隨鴈
苦過江風信掛烏占玉顏記我如相問為說形

容漸瘦纖

次韻全履之文長老見訪用吾江南集

中詩韻

閉閣留賓手挽衽細斟家醞綠如藍閑呼玉局
爭獲六醉把朱絃弄十三不必論文期渭北端
宜聯句會城南殷勤最愛曹溪老約我青山共
結庵

池上詠月

天上群仙會姮娥欲點粧却嫌塵掩鏡下洗碧
流長

東國李相國全集卷第六

東國李相國全集卷第七

古律詩

促織歎

去年園中桑葉沃神蚕作繭大於屋織成五色
雲錦羅不待寒虫苦相促今年桑老枯且萎飢
蚕僵卧未生絲渾家拱手待天寒一聞促織先
酸悲千聲萬聲無一尺甫吟雖苦終何益月露
露葉不耐寒入我牀前空唧唧君不見促織之
號何太忙箱無寸線機無聲唯有病夫雙鬢髮
一聲促得一絲生縈紆心緒亂莫斷一夜織得

愁萬段虫聲於子已不費勸汝從今啼少緩

食蒸蟬

君不見見畢郎嗜飲無餘營但願持螯了一生又
不見錢卿乞郡非他求唯思有蟬無監州猩脣
熊掌易炙口只應此味在宜酒江童餉我鱖鱖

肥膩大臍團多是雌東海輸芒今已了蟹八月輪稻芒

於東海神後脚老潤真撥棹嶺南謂蟬棹子其後脚潤如

棹平生讀書辨螳蟬定非司徒舊所烹烹來剖

破硬紅甲半殼黃膏雜青汁草泥跳躑雖甬宜
猶被王倫餘怒移不如入我左手把日飲無何

聊得佐詩人冷淡食無魚爛蒸瓠壺客廬胡瓠
壺食盡又何續更見青盤堆首宿硬鱗腐肉猶
長饑況此海產如糖甜急呼赤脚撥新甕玉鉏
星涕香浮動鱗即金液糟蓬萊何必服藥求仙
哉

走筆謝希禪師惠米

嗟我落寒貧渾家皆食粥亮非食霞人何由得
辟穀仁哉法師心憐我無寸祿惠然送白粲粒
粒真饌玉何煩顏公帖已貸監河粟灰屨方暮
炊寒厨煙始綠猶堪笑三閭冷淡食秋菊

手病有作

平生喜弄如椽筆朝戲風月無停時又將撻突
造物兒造物慧黠乃先知故教右手忽生瘡
手縮坐如凍鴟捻毫潑墨俱艱澁腹雖有藁何
由施乾坤不復困搜剔神鬼方應肆詆欺糖餅
螯肥堪斫雪左手幸完猶可持被酒酣眠不覺
痛非灸非砭真我醫

重九日既以手病未出遊

去年尚州遇重九卧病沉綿未飲酒強携藜杖
起尋僧

子南行集有重九訪資福堂頭詩

手撚寒香空自嗅云

年已去莫追悔却待今年作高會豈知今年又
病手未趁好事詩酒輩亦復起飲嚼霜藥未能
免俗聊爾耳山妻笑勸良足歡何必登高爛熳
醉書生命薄何足道佳節年年病中度落日愁
吟遶菊籬西風有信猶吹帽

十月二日憶舊遊

去歲秋九月南來寓吾邦

自尚州來寓吾鄉

遶村皆禿

嶺帶縣雒清江朝遊林下寺問道雪眉厖暮還
寄旅舍擁葛對青釭清坐愁不寐風雪打紙窓
平明別姊氏跨我鐵色驢出門月未落遠寺鐘

初撞崎嶇路高下馬足蹶石砢殷勤二三子出
餞皆挈缸臨歧一揮手清淚落雙雙曉行叢薄
中畏庖橫短鋸身穿宙壓壓亂溪淙淙閒關
到京洛日月會龍狔兒女喜我至問訊何恹恹
至今清夜夢萬里凌崆峒何時乘使車四牡嚴
麾幢吏民改舊觀畫鼓千指擬此言亦戲耳褊
心良未降前年寓鄉邑功名如鼎重萬夫力宰頗輕故云
爭扛吾儕已斂退無復隨群咤如枚鼓揚旆髡
然束空扛拂衣便長往願學峴山龐

璨首座方丈所蓄畫老松屏風使予賦

之

何人結宇青山旁坐對孤松萬丈長日看月賞
眼力盡驅入鹿麕狂一斗觴千蟠百蟄急欲吐吐
向鮫人六幅素不然安向寸毫端寫此磊砢千
年不死之老樹我恐山盲谷暗煙霧裏鐵色黑
蛇欲走未走低復起又恐波乾浪涸海變田鯨
鯢瘦骨填坑跨壑枕相峙褊然鱗縫呀口鼻雲
陰之日疑有風雷作龍吼竟日支頤未信水墨
摹世間那得有此手

戲友人制衣冠

新模特地傳椰子古樣何曾問竹皮手熟不生
針線迹知君真箇老冠師

冠成又作

穩似鹿胎幘輕於鵲尾冠幸無劉氏溺堪學貢
公彈

冠成置酒朴生園餞梁平州公老得黃
字

師友梁先生曠達四明狂驥老益奮驤鶴瘦猶
軒昂讀書千卷強苦欠一錢囊心若萬頃汪挹
游良莫量遠步凌太章英辭倒長楊枵然飲酒

腸江海注杯觴身雖蝸屋藏意可鵬天翔憶昔
城西傍相見鬢已蒼授人驚夜光入室聞蘭芳
清風北窓涼同枕卧羲皇我家酒初香邀君醉
幾場君家月似霜呼我宿一床同遊白蓮莊每共
遊天共問紅樓倡有訪妓事紅葉秋風冷綠楊春日
長携手聊徜徉此樂亮難忘得州天一方山水
杳蒼茫春晚歸意忙明發欲騰裝朴生好事郎
氣俠誰敢當入門語琅琅告去將餞梁幸此春
日晴已掃園林荒相將往茅堂黃鳥啼如簧雜
花紅錦張高樹青旗揚樂極反悽傷臨別淚霑

棠贈行言未詳但願柔濟剛此語苟深嘗何憂
不龍黃

訪閨秀才用古人韻

一樽談笑慰無聊永日除君孰與消花媚三千
宮女臉柳搖十五妓兒腰蜜蜂嘒藥脾初重乳
驚尋巢舌轉饒如子豪門容惡客此生何處不
逍遙

又次韻二首

平生落宕亦何聊文選詩云苟亦何聊一笑無端萬慮
消日映午花酣醉頰露露春草濕裙腰慢斟芳

酒三杯足靜闌仙碁一路饒捨却卽君誰共飲
人心都是九疑遙

多病逢春不自聊吟詩舊習獨難消玉書不用
尋蒼腎瑤瑟深宜奏綠腰狂客自呼元浪漫佳
人誰喚董嬌饒十年交分良非淺意合休嗟楚
越遙

楊貴妃

未必楊妃色絕竒只緣誤國作嬌姿君看貞觀
太平日宮掖那無一義姬

謝應禪老雨中邀飲

數年飄散各西東今日樽前一笑同
乍把銅人相話舊更憑石女苦談空
篆畦終日清抽穗燈檠侵宵巧綴虫
濃翠滴窓垂柳雨暗香撲地落花風
醉翁情興狂於白禪老行裝懶似融
他日不辭參入杜陵公沽酒引陶公

復和

夜深蓮漏響丁東三語煩君別異同
多劫頭燃難自救片時目擊揔成空
戢聞韓子題雙鳥深喜莊生說二蟲
活火香茶真道味白雲明月是家風
生師演法機鋒銳禦寇乘公骨肉融
邂逅

忘形聊得意不慚當日老龐公

新晴

久雨長愁客新晴似媚人
妍妍花笑日媚媚柳
嬌春圓滑鶯聲巧輕
翾蝶翅句十分風景麗
正好醉芳辰

訪佛恩寺雲公聞國令禁僧家飲

萬事皆同薦福雷書生性命信微哉
平生多向僧家飲又被僧家禁酒來

謝梁校勘國峻送櫻桃

後復經二首皆亡梁作二首

絳葩春豔豔朱實夏團團始訝繁
繁日生麗還疑碎

火攢摘朮濃帶露和葉爛盈盤粲似丹砂粒圓
於赤玉丸跳嫌衣上落弄愛掌中看留核欣盈
掬含津覺潤肝眼迷光熠燁舌識味甘酸感子
親情密知予病肺乾為分仙菓美聊佐酒筵歡
縹李攀援絕綳拖比况難不教兒擅取思與客
同餐原廟魯羞否先嘗意未安

訪盧秀才永祺用白樂天韻同賦

半岸烏紗帽閑敲綠玉扉柳深鶯石轉林晚鳥
雙歸太白甘時後陶潛悟昨非紛華方戰退始
覺卜商肥

復和

一龍期作友，凡鳥豈題扉。
琴客春多思，菰僧晚未歸。
身窮道轉富，心是貌還非。
不羨夸毗子，裘輕馬亦肥。

戲路上醉卧僧

莫笑上人中，聖人醍醐與酒味。
同醇始知糟麴神，麤猛解倒金剛三昧身。

贈沈天曹允章是日大醉作

二月青春光浮動，黃金柳園花酒噤。
胥林鳥已柔味問君氣，俠豪能復觴吾否。
自言有醺綠可

以濡君口君不見長篇短篇詩萬首何人記我
千年後不若未死前一杯綠蟻酒

訪梁參軍梁不在乎子壻李君與語俄
有玉川生來回置酒留長句

不見冰只見玉飄然韻格清不俗相看眸子秋
水綠頭上烏紗螺點栗玉川扣門來剝啄白日
與消碁一局可人可人豈不服伯鸞不在傷心
曲

次韻和崔相國詵和黃郎中題朴內園
家盆中六詠

四季花

伴開春豔旋隨風欲配秋香夢又空
閱遍群芳無可偶依依獨到雪中紅

菊花

霜卉秋來遍放花飽看野片與山家
石盆硬滑應難穩一朶寒香尚足誇

瑞祥花

外家鍾慶氣如春

朴君於相國為外甥

華屋尋常薦賀賓

一朶好花嬌欲語又將何瑞報於人

石榴花

例憑土肉得繁枝
猒見群紅婀娜姿
賴爾花中獨安石
鐵腸如我尚開眉

竹

欲試君賢豈一端
悍根又奈石盆寒
箇中尚有湘江意
直作攬天玉梁看

石菖蒲

露珠偏上翠尖垂
愛箇玲瓏未墮時
賴有彈渦餘海量
老虬盤穩秘鬚髭

仲冬十四日同文丈老朴還古訪興聖
寺成禪老路上口占

覓伴成三老危巔度木梢猛風衝帽過微雪點
衣消路遠猶甘輟人遐幾費翹興來聊訪戴不
必見招邀

二子見和復答之

雪華堆瓦縫寒氣束林梢道已將時左

是日入關會三

人雪中獨向山寺目共笑吾儕之興時左也

愁宜託酒消天門鳴鈿

轂仙禁簇金翹獨向窮山去只應猿鶴邀

日晚到寺小酌用皮日休詩韻各賦

碧瓦鱗差出樹端洞門人靜立蒼官滿林白雪
猿跳破半壁紅暉鳥喚殘香燼冷堆山室寂磬

聲清斷石牕寒我狂漸息堪禪縛莫作當年獵
將看

又和

萬事都空一笑端尚欺螯叟漫為官巖連井榻
雲長濕地近茶窓雪易殘閑掛鐵君經夏結狂
燒木佛禦天寒青山他日應為舊不憚幽蹊子
細看

遍閱院宇還讀石碑復用前韻感舊記
事

記得香城締構端鑾輿曾此擁千官

寺是寶育之古家捨

以為寺仁宗重剏嘗華于此命立碑苔侵篆額碑文暗雨染紅泥

壁盡殘寶育臺含孤月冷北有寶育臺摩訶岬觸斷

雲寒玉冠山此其一巖僧見慣慵回首付與閑

人自在看

復和二首

剽遣談雷吼古端坐教鑿齒作衙官孤驚拄杖
初拈起鳥喜齋鐘半擊殘雪色與師眉孰白山
先入我眼爭寒相逢得意真些子莫是他年作
夢看

散浪何曾釘一端只緣上界足仙官裁雲舊習

李和國集卷一
津津出夢雨餘痕旋旋殘信步偶尋蝓老懶滿
身猶帶廣文寒無心那有安心處慎勿將心特
地看

又分韻得岳字

卜居城東蝸一殼怯寒無奈縮頭角偶然乘興
閑出郭三尺雪深寒蘸脚來打禪扉聲剝剝警
咳一聲虛谷谷入門眩恍見臺閣似見小空隨
善覺隔林吹火棲鳥落渴漢求茶泉欲涸一夕
忘懷這裡樂大勝三笑遊廬岳

明日又用朴仁範詩韻各賦

洞深煙霧碧淒迷其奈無情日又西
殿雪寒麝爭穴燥避風幽鳥擇枝低
走藤遇曲難成杖卧木因高偶作梯
不識空門閑氣味到山煩覓壁間題

又用古人詩韻走筆書壁上

霽天寒碧月分明十二蓮花滴漚聲
除却燒香無一事始知禪格大高生

上趙令公永仁并引

某謬將爽鈍之資早占桂仙之籍八
霜倏變一命不霑今伏遇恩門相國
閣下掌銓

李太白集卷之
部之劇權作士倫之精鑑實難自縮輒欲
永伸明鏡臺前雖愧妍媸之易別洪爐手
下不論利鈍以無鎔異收櫟之村用哉
絃歌之任云云

仲經扶聖漢趙憬相皇唐根大瓊枝盛源深玉
派長履龜生挺質畫鹿早占祥筆刃千鉤重心
河萬頃汪飛龍曾利見威鳳歛高翔天上文星
魄人間愛日光判疑掀霹靂論事振琳琅扈聖
登青鎖與上即祚公絨書拜皂囊壁門趨閣道璇
極護文昌鐵棟明堂固金城敵國防望歸裴晉

國倚重郭汾陽大手調殷鼎丹心補舜裳品人
同許郭愛客似原嘗利器金椎鑄長材玉秤量
沉珠寧鏟彩幽菊競披芳無賴孤軀在投閑十
載強妙齡初卅角游學遠羸糧染翰攻鉛槧橫
經對縹緗靜開孫敬戶坐穴管寧床樂器堪調
啞詩篇欲補亡登壇屠沈謝廟壘倒班揚科第
連年捷聲華一日彰不曾吞墨水聊得鍍金湯
便欲層霄擊何思半路僵風濤終蹭蹬雲漢轉
微茫反蟄跳蛙井空尋覆鹿墮蹕呼逾壑底骯
髒戢門傍有水誰濡鮒多歧竟失羊頗同殷咄

咄敢比孔遑遑功寄堆文塚窮瘁送鬼牆本雖
由薄命半亦坐佯狂萬事經三折虛名愧七襄
早聞明鏡照猶及覆盂蔽果記冰鄉子曾稱粉

省堂

聞相國屢稱勞於省中故云

喜深跳欲舞涕出拭還滂

燕谷思溫律無鹽費靚粧銓衡今入手造化大
專場益復伸吭望方期傳翼揚沐芳新振垢磨
鈍漸生鋸李嗣真如玉傑與李嗣景親且同年清朝早綰

黃韋承青眼眄叨對白眉良結髮初相識論心
誓不忘幾熏蘭室臭同折桂枝香綺席嘗陪後
花堤共綴行自呼知我鮑狂導起予商謬毀三

千履今移十五霜茅管親績繡鉅甌側珪璋為
惜累累狀聊迴惻惻腸屢將金諾重欲借袞襮
煌今日何多幸中心竊自昂私因誠不淺公道
亦何妨好試清琴撫無嫌羨錦傷亮難堪劇郡
正合委偏鄉最望教龜東海還思鴈北方窮奔何
擇木饒口不須魴躍躍哀鳴急懸懸仰叩忙

上任平章 并序

某居門下久矣年踰三十投閑置散徒恃
攀鱗之幸反為失路之人苟非恩門相國
閣下成物之仁則其誰恤之耶異立薦平

原之一鶚使無泣龍陽之前魚云云

累葉衣冠後三朝肺腑親周王呼伯父漢帝重
宗臣瑞世龍章煥鳴時玉韻新舊傳張相印早
綰交昇銀位已黃扉貴身猶綬髮春飛鸞曾放
手跛鼃亦攀鱗但備籠中藥何參席上珍同門
多振躍唯我落寒貧三十無官客東西浪跡人
顏瓢空有水范釜久生塵鍛鍊誰成器俾停尚
問津前魚如不棄何幸達楓宸

上崔平章讜并序

某伏聞相國閣下於趙令公座上大加稱

賞喜不自勝謹著今體詩云云

五色毛生穴三珠樹接枝弟兄雙拜相今古罕

同時相國入相舍弟入樞府唯兄止禮部尚書蒼玉初承寵黃扉旋

躡資自尚書直陰陽歸燮理社稷寄安危靜似

成蹊李端宜飢座梨豹文無誤對亥字判羣疑

雷電扶韓手陽秋備緒皮吹噓餘論義攀附幾

人馳我是諸生憲杜詩云諸生原憲貪嘗干太尉意指言趙令

公後漢趙感公同見賞似昔早相知為惜蓋車

困期將玉鎖縻歸來猶夢寐銘刻在心肌同輩

皆翔驟吾生大嶮巖久為莊轍鮒空羨魯梁雌

淚眼餘三泣歌聲發五噫深坑無計出長綆肯
誰施漢落從人棄擲掄任鬼欺辜粧嫫母面已
識紫芝眉頭角那長縮心肝會一披天高難自
達願綴薦衡辭

上崔樞密詵

世出文章伯興由德義門八龍初竝躍三鳳最
超騫陳湛真難弟桓榮實有孫白眉竒表秀青
鬢義官尊洒翰雲多態端容玉不言循循家訓
在挺挺祖風存月裡名書澤紗中像護藩中興
依日月大手定乾坤

上即祚八北朝
修製公皆為之

已入棲鳥

府兼御史大夫

將登畫鹿轡立朝威凜凜愛客色溫

溫憶昨方投刺移時得接論仰鑽彌自若慰勉
一何敦邊幅規多檢毛皮禮去煩歸來空想像
早晚更攀援我李難成蔭何門可托根高蹤隨
泛梗幽佩綴芳蓀衆謗吹毛急狂言到口吞短
衣愁竄戚一室著陳蕃官路如天遠年光劇海
奔陸沉那久困水擊會高翻已恃知音在行銷
泣璞冤孔融憐我否一鶚在平原

重上趙令公

愚伏蒙省樞諸相國同上劄子薦達輒生

制書已降中路遽移此何異放生之魚反
八圍人之鼎將獻之鵠忽已使者之籠是
朝野所共歎也非獨愚之歎也孰已墮而
何悔灰雖死而復然噫天察之閣下亦察
之愚復何言

鶚書朝奏九重天 御墨才宣萬口傳
昔見銀杯嘗羽化今聞劄子忽登仙

馬失焉知還是福羊三不用若相追
品題全繫山公手何恨天書半路移

授崔吏部洪胤

青雲得路甲枝郎家世金甌覆姓名壁海千尋
胸底溢錦霞五色筆頭生班心舊振霜威稟省
眼今懸鏡炤明困涸誰煩呼斗水沐芳人競拂
塵纓玉溫顏色曾叨識葦薄因緣亦自榮近結
書記翩翩誠不分割難一色適吾情

戊午二月九日同全履之餞朴還古之

南得舊字

二紀風塵中一龍三益友襟期付歌詩意氣許
杯酒顛狂白千篇醕酌劉五斗准擬豔陽天尋
花共携手春光不吾負已著黃金柳捨我忍何

之如手失左右別語那易聞清淚濕我袖江南
阿那邊縹緲連天笛一鞭行色遙憶我迴頭不
殘春早早來一笑重論舊

次韻朴還古南遊詩十一首 并序

雞林朴還古好事奇人也戊午二月將遊
漢水揚州之間予與鵠城全履之出餞於
東郊之松巔僕酒酣走筆一篇以贐其行
全履之亦和之朴君以日暮未和行至天
壽寺追和前篇三首又於路上多著錄日
雜詩古律十餘首抵沙平關編為一通以

寄之予與履之賞味不已然亦因循未和
而朴已還矣近因泥濘杜門閑居始得和
成若干首書以贈之云

二月東都門別我同心友為唱三疊詞勸進一
杯酒平生男子心烈膽大於斗臨行效兒女流
淚惜分手春風如有情吹舞纖腰柳是時全履
之傲兀居坐右相將挽歸衫似挹浮丘袖何意
飄飄雲悠然戀舊岫隨風忽歸來肯復從吾不
約束更尋芳樾花笑依舊

同前二首

此二篇朴君皆
押旁韻故依韻

天胡窮退之鬼亦笑羅友珠聯五字詩鯨吸千
日酒南遊觸豐曦海泛占北斗舉鞭向習池醉
任兒拍手靜採瀛州芝狂吟彭澤柳眼高紅粉
媼謝遣不留右五馬光陸離訪君為挽袖共倒
黃金危晚色靄烟岫是時得新詞還憶狂生不
覩君南行辭江山盡如舊

瀟灑全客卿氣韻真我友早懷濟物情暫隱陶
潛酒吐文似六經錯落羅星斗未放驚人鳴誰
傷代匠手雨輒光風輕時節宜花柳亦足了一
生鱗左復杯右長嘯如鸞聲飄飄紫霞袖詩成

倒宣城句壓窓中岫我性元無程二子肯客不
淡水交轉清二十年前舊

和宿天壽寺

百花相倚闌輕盈準擬同君醉大平嘉節無端
揮淚別亂山何處皺眉行玉川文字五千卷魯
望生涯三十楹曾是少年為客處逢人問我舊
姓名

和宿峰城

半山斜日過簷遲清句唯吟杜紫薇

此行唯携杜紫薇集

溪竹困陰孫未長庭梅飽雨子初肥旅軒風簟

李杜集卷十
牽人睡野鼎春蔬慰客饑千里倦遊誰勞問石
棲僧定銷烟霏

和宿德淵院二首

落日三盃醉清風一枕眠竹虛同客性松老等
僧年野水搖蒼石村畦繞翠巔晚來山更好詩
思湧如泉

碧湖晴潏豔芳草遠芊綿問路三千里知名四
十年愛涼憑水檻眺遠上雲巔老衲渾多事評
茶復品泉

和送客湖上

平湖水漫柳嬌春一路風輕雨浥塵盡鷁似閑
還似迫送人才了又迎人

和湖上偶遊

春遊易成憊旅意動含悽綠蔓扶顛樹蒼苔護
圯堤暮江煙柳重曉岸露花啼歌吹揚州路風
流憶竹西

和堽居空館

古院閑人久荒村得酒踈詠詩驚谷鳥投飯聚
池魚江寂潮迴後山明日側初春慵渾作癖得
句不須書

和即事

閑於陶靖節狂似蓋寬饒旅夢穿層岫詩眸截
碧霄輕颿牽別袖殘月送歸橈水壁波羅粉巖
碑蘚蝕雕江山同北固風土似南譙控險天為
府連空鬼作橋幽花逃小雨卧柳困驚潮沙日
玄夫曝湖烟雪客翹遠聲聞勢靄深竇俯寥寥
離別吾偏感光陰孰共消去如猿出檻來忽鳳
遊郊何適未為樂休煩苦避囂

金大丈子由得尹學錄所贈朱藤杖請
予賦之

雞林先生九十餘十分霜雪黏雙鬚金丹未就
脚稍澁出門八門須杖扶尹卽意氣衆所憑贈
之以南詔萬歲之紅藤五節踈句過手卓六尺
脩直等肩外千山萬谷意自便昨日衰翁今壯
年長安多酒店遊必掛百錢君不見孔光靈壽
煩帝賜白首冒榮能不恥先生本有紫霞想不
事嬰身珪組累先生有素風此杖宜山中何必
學羅公遠擲作銀橋八月宮

東國李相國全集卷第七

卷之六

三

東國李相國全集卷第八

古律詩

雪中訪友人不遇

雪色白於紙舉鞭書姓字莫教風掃地好待主人至

朴君玄球家賦雙鷺圖

憶昔江南天扁舟泊烟浦霜菰映清淺中有雙
白鷺靜翹綠玉脰閑刷白銀羽擬將詩句摹久
作猿吟苦寫形雖髣髴佳處殊未遇畫工真可
人到我所未到眼活而有力聳立勇前顧肉瘦

而有骨未起已遐慕
就中盡聲難解作啼
態度我詩豈好事聊
寫畫中趣畫難人人
蓄詩可處處布見詩
如見畫亦足傳萬古

溪上偶作

竭来溪上弄清波
影舞形搖幻怪多
忽憶蘇郎臨穎水
鬚眉散作石東坡

訪寒溪住老覺師
旅寓用參寥子詩韻

贈之

霞想雲情逸天半
玉籠金鎖莫我絆
平生自學元次山
欲往寒溪稱浪漫
寒溪主人偶此逢
聊

復軒眉一笑同禪味何妨飲餘滴談鋒更愛生
雄風相從不覺西日側十里青煙催晚色不須
更憶寒溪遊見公眼色奪溪碧

又用東坡詩韻贈之

鮎魚緣竹一何遲慚愧頭銜似昔時只為別來
長飽戀故應相見更多姿詩教雪暈微侵鬢酒
放春紅半蘸肌我亦參禪老居士祖師林下舊
橫枝

天台玄師聞予訪覺公留飲携酒來慰
用前韻贈之

自是踈慵訪校遲別來那有暫忘時笑顏為我
還春色道經如今亦世姿好句似珠跳遍手亦師
詐清談如雪冷渾肌一壺芳醞歡情足醉折名
花挿數枝

訓長老乞詩又用前韻

彈指相逢恨見遲恰如甕裡閱圖時木鵝卵破
方生翼石女兒嬌更媚姿山字肩高成冷坐稻
畦衲短稱清肌他年若許叅吹布會覓飛窠訪
樹枝

又分韻得動字贈覺公兼簡玄公

南宗老宿僧中鳳一入寒溪金碧洞酌泉卧石
猿鳥共空巖唯有月迎送浪翁窪樽應復弄摩
挲蒼苔窺罅縫山磨水激洗煩冗故應道韻轉
清聳玄公落落繼佛隴結茅月城三四棟玄往
西古
永唱浮碧樓高鶴可控逸想凌霞歛飛動走浪
春風鳴鐵甕寒流瀉月搖銀汞歸來作詩似泉
湧句法清新輒驚衆三師於予若昆仲裴休與
黃蘗映
法為相逢一笑恍如夢故人情深別難勇留連
昆仲劇飲何辭痛

希禪師方丈觀碁臨江公

夜靜紅燈香落地
地頭兔勢縱橫但聞玉字響
紋枰誰饒誰勝山月漸西傾
十九條中千萬態
世間興廢分明箇中一換幾
人生仙柯欲爛回首忽相驚

悼朴生兄無書夢中事 并序

林先輩椿即世幾踰二紀戊午六月二十
五日夢予友朴還古來告云林先生死墓
銘非子焉託因出木槧三寸許請其辭予
苦嫌其狹朴曰得子辭雖一字足矣遂誌
之曰林某字耆之性孤峭頗以才自負累

舉春場不捷某月日卒于家銘曰未施才
命我傍有僧研朱書之及寤甚怪之曰林
死久朴纔乞誌是何祥乎明日朴生來予
具說夢中事朴禪指良久曰竒是夢也昨
失吾兒瘞于林椿冢側今欲請子一詩為
哭故來謁豈此徵耶予竒其夢感其事作
此詩以哭之

夢豈自無徵事或先有識憶昨夜方午睡熟邯
鄲枕君來乞人銘及寤良恠甚子來告兒亡淚
暈餘老臉曰思夢中事莫是精神感君兒方六

吟眉目得君範何物棄之去無奈鬼橫僭預玄
童烏亡無槲孔鯉殮壽殤比關天子幸勿為念
細君苟無恙立竹真可厭葵隣林君墩雖天未
為憊

同文長老方崔秀才升主用古人韻各
賦

蟻坑名宦奈為何一世生涯付醉歌詞格清哀
珠有淚道心虛寂井無波禪公旅寓窠依鳥園
客仙期蘭作蛾綠髮相逢須痛飲他年重見髮
霜多

走筆贈威知識

名次威自天台
宗捨名入山

憶昨往拜和闍梨談空說有夕晷移是時偶見
老尊宿破衲半肩縫萬絲子豈佛隴的孫歟目
擊不言心自知挑燈相近接談笑口風吹却雪
山歌自言天台學止觀粗窮八教與玉時早年
抽身名利門有如魚鳥不可囚籠池一朝勇去
青山白雲裡採松食葉聊充飢忽聞嬾母嬰沉
瘵石舍重繭來洛師遑遑汲汲思療理恨不遇
金積探方三世醫世人殊未解應笑浪奔馳顧
我赤霞衣多被紅塵緇紅塵不堪久綠蘿不可

欺振錫還山無幾日要與吾子專夕論心脾相
將握手到僑居烹蔬晚食話到雞喔咿囑子明
日復見訪出門丁寧聞此辭明朝有雨如倒河
我尚不欲孤前期撥泥踏水來叩扃撫掌迎笑
欣揚眉坐客況有河秀才鐺腳相對語忘疲樽
中有酒香酷烈師雖不飲勸我頻危危夜深輟
飲開茗席明日八戶偏相窺明教師當去我豈
獨受名韁縻若許陪杖屨且向丹崖碧嶂同栖
遲君不見遠公在匡山亦容陶陸相追隨

安和寺敦韞禪老方丈夜酌用東坡韻

十年蓮社阻從容日幾西沉水幾東
援筆舊曾題莫莫挑燈今復說空空
學禪師作癯形鶴避世吾為斷尾
雄從此買山長門道不須辛苦送
韓窮

復和

一龕仙室遲誰容消息須憑李浙東
浪跡如今雲不繫回頭他日夢渾空
生涯已付三杯聖意氣都關天劍
雄得坎乘流渾是夢阮公何必哭
途窮

明日與二三子登環碧亭又閱

御室

還至別閣小酌用蘇公詩韻

三朝遊賞處

睿廟仁廟毅宗

玉立山一色盡棟桴龍蛇

重樓絢金碧如今付閑人幾蟬阮孚屐

鑾輿

杳何許予古為悲慄篆石卧蒼苔雨染日炎赤

謁來窮冥搜必有靈聖宅清債足可償往事何

煩詰一樽猶未傾規燬已西側佳會亦無多歸

侵晚雲黑

草堂雨中睡

綠雷雨浪浪撼耳似妨睡云何雨聲中徧得睡
味美晴時雖杜門駕言意未弭自此夢難酣假

寐或驚起獨是霖雨中塗路混為水雖欲訪情
親咫尺即千里門絕客敲扉庭無人響履所以
得於眠齁齁雷吼鼻此味固難言王侯那得致
王侯豈不能朝請安可施

偶吟二首有感

拙直由天賦艱難見世情杜門妨客到釀酒對
妻傾茗徑少人跡松園空鳥聲田園歸計晚慚
愧晉淵明

環顧六尺身一日能幾食尚營口腹謀未去雲
山碧

呈內省諸郎并叙戊午年

某天地間一微喘也偶落女媧絀土之戲
不奈愚貧悞師匡鼎鑿壁之懃頗窮書史
自登一第已換九霜陸沉之恨劇焉途窮
之哭痛矣朝庭豈不好善臺閣豈無知音
然性本散踈加之迂闊徒自守轉胞之懶
未嘗趨炙手之炎蝸角纒生見人即縮蟬
腸自潔與物無營緘口如瘖掩顏自拙然
則雖窮且苦焉孰言之而孰憐之耶近者
伏聞內省諸郎學士閣下視草之暇言及

人物不以為僕淺薄無取唯黃潤澤將欲
薦進於國家僕竊自以為古人所謂至公
之道廢之已久不意復行於今日矣僕既
踈懶迂闊不敢以長喙頑脣自鳴自呌而
學士諸郎特置於齒牙之間至以薦達為
心況萬萬賢於僕者哉口嘗笑而不闔舌
嘗訥而不停躍躍然若已得義官豐祿矣
雖諸郎至公之心平似無蠅之秤而輒生
私喜之淚滴若泣鮫之盤義我不可辜負禮
不可不謝是用執將斷之索汲出餘波連

已絕之絃彈生乾韻謹隨韻著成記德五
言今體詩各一首連簡繕寫奉贄于左右
既有以謝之復竊望諸郎學士勿謂前言
戲耳期以好爵縻之以終其惠而已無任
惶悚之至

上右散騎常侍閔湜

世家傳閔閔系出費侯賢蘭玉雙枝秀

弟為工承宣出

蜺一氣連雲梯同坦步仙省迭相遷樹代雞新

舊天分鴈後先

今年省郎皆遷舍弟出省公繼八

右貂榮景劇

旁乘寵何偏五色絲縫袞三條雪八篇鑄金從

踴躍翼驚助騰騫為愛蹊成下叨將璧至前囊
錐容早晚紈扇豈中捐況接蔭等幸平生特淺
緣

上直門下省金迪侯

天上金精落山西鐵幹喬家承班定遠國倚霍
嫖姚白玉含中潤青松守後凋紅盤三斗膽岳
立八圍腰李廣今飛漢天驕不吠高黿擎仙島
聳鳳入禁池翹直論驚群俊孤忠翼兩朝身無
雙義具官剩十旬超我是水鄉吟那堪陸海漂
引吭思一振何幸借扶搖

上左諫議李桂長

名家餘慶遠鳳出鳳凰巢彩筆浮紅蜃華文吐
縵蛟良金富大冶恢刁棄神庖峻級超三獨導
風鎮五交人龍凌海躍詩虎動天咆明鏡妍姪
別洪滇巨細包尚容薰倚玉那遣蕙為茅斗水
如霑鮒盤珠想泣蛟莫教埋似劍吾豈繫如匏
已恃知音幸何煩筮仕爰

上右諫議李世長

本生紈綺貴猶事槧松勞星魄從天降花妖入
壁逃已傳張相印合佩呂虔刀筆洗西臺肉詩

需老杜膏謀宜前筋畫官忽後薪高

公躡遷

粉

省登清地冰銜落彩毫早知春有脚何恨紙生

毛獸困甘搖尾鷹飢望解條賢侯同姓李郎子

一門挑

與賢嗣
同榜

亦是平生幸寧教失意號

上中書舍人高瑩忠

家傳金鏡賜

取同名

在桂仙科名下驚雷出脊

中列宿羅王介修月妙瓊尺剪雲多要職方當

戶

中書舍人
謂之戶

清班已亞坡

諫議謂
坡

五花榮最好

一佛賀如何紫案擎荷橐紅泥染印窠絲綸批

密誥芍藥播新歌溫室那言樹金鑾早脫靴行

調殷后鼎會取蔡公禾願記荆山下窮年泣玉
和

上起居郎尹威

關令玄風遠仙孫逸志嘉初無絳組戀甘向水

雲賒

公初為碧松居士

愛吸青松露貪眠碧岫霞珠光

難自隱金韻不終遐羽翼乘風便文章耀國華

關公名在月太白筆生花事歷肱三折才凌手

八義直言頻覆錦公望合專車鷄角言爭解龜

文貴可誇冰清門下客多喜得通家

上左司諫金冲

一千年且暮九萬里翱翔鵲鑰開璇鑠龍池對
玉皇籍通三尺竹恩降五時裳價壓青錢選詞
清綠藥章孤忠橫鐵棟逸氣迅風檣山仰心雖
切雲從路莫當攀裾如可許薦補亦何妨潔已
而求進宣尼與互鄉

上右正言崔光遇

落落風姿秀昂藏海鶴精得時伸伎癢驚俗動
詩名漢郎扶龍起上上在藩邸公為典義高天捧
日行綏昇烏府凜旋八鳳池清五字施偏巧三
多學早成身為天子舊官是士林榮一尺詞頭

下千鉤筆力勦鱗攀曾有素栢悅豈無情阻接
縷縷好那堪眷眷傾不須煩白鬢輕重在懸衡
普光堂頭精通師蓄藜杖甚奇請予賦
之

老藜葉紺生植植中有一條脩且直千年土肉
封硬根深秘虬鬚攢似棘吾師好事蓄意多斫
為寶杖扶脚力喙長頸癭尾細尖宛如欲走銀
蛇色二十二節珠累累中路鬼神求不得大行
化作砥路平更覺身輕如傳翼藤頑竹悍何足
珍獨此便安師所蓄問師割甬贈吾無我亦年

來襄病劇

是日飲闌小息唯三四人相對飲茶而
已及夜半坐久體煩睡暈著眼師出金
橘木瓜红柿餉于坐客未及一嚼不覺
眠魔之頓去也俄而喚沙彌沙彌鼻鼾
不應師笑入房中手挈義酒一壺坐客
皆盧胡大笑於是小酌數四盃漸引靜
中之樂噫平生適意之遊恐他日不復
得也曰著一篇以記一宵之事爾

二紀落浮遊塵土日滿腸一聞清夜話已覺渾

身霜何況滿盤巢一一餘仙香奇我洞庭橘玉
腦流寒漿我是李衡後此味宜我嘗霜柿肌肉
脆殷赤眩目光愛此頰乳卵不入金烏場木瓜
紅半頰片片落銛銛琤投何以報愧無瓊玖將
餘寒在牙齒似入冰雪鄉適意一宵樂平生安
敢忘

又寄題白蓮社石臺

師結白蓮社於功德山前有石臺

羨君曾結白蓮莊自說溪山甲四方果熟空園
猿活計松深幽谷鶴家鄉天開古壁千尋直龍
吐靈泉一派長

師言社前有泉四時不竭世傳有龍

齋罷登臺嘗

燕坐一塵那得污水腸

明日朴還古有詩走筆和之

乾坤一箇身出岫無心雲師傳甘露氏我繼仙
李君釋老本一鴻鳬乙何須分何況結蓮社惠
遠遺風存吾將作宗炳叩鍵間未聞鶴情殊皎
皎霞想復軒軒尚無吹劍却那有注金昏陶眉
不許擯日日開清樽妙道資目擊清談洗心煩
尸竄方再斲扶桑放紅暎

景福寺路上作

一路脩脩繞碧山觸松紗帽絰梢端渴窺深井

難杯飲行遇幽花試折看

蜻蜓點過清溝上蜚蜴遮藏碧草中山路何須
僧導去磬聲敲處認鸞宮

投李吏部

我李羅天下賢侯表隴西素襟清映雪長焰欬
橫霓修月無雙手登雲第幾梯佩龜青驪綬批

鳳紫濡泥

公為知制誥故云

雅望宜華要洪權管品題

下椎鎔巨闕剖石覓懸黎天地癰儒在風波官
海迷久為居轍鮒動作觸藩羗早折姮娥桂期
燃太一藜詩毫頻禿兔書卷費編屏學或嘗熊

膽瘕難數馬蹄窮途翻失適短翻未安棲鼻待
揮斤斲聲悲抱璞啼方輪那解轉貝錦謾逢妻
織屨憐慈母當壚愧老妻憶曾簞閤歲叨向孔
門躋公於宅中每集冠童教授子以時亦預之坐席間函文依陰下
作蹊祝頌成裸羸覆始發醢雞學績堪方澳聞
韶不必齊恩深雖刻骨信斷忽無輒未禮何曾
檢中心不是鵠憑公一薦補記我昔攀嵇

題通師古笛 并序

普光堂頭通師蓄古笛甚奇自言得之於
功德山白蓮社承座上使人吹之清越可

愛功德山是元曉義相二公所棲之地也
義相所遺筓子至今尚存然則此笛亦焉
知非當時之遺物歟師請詩為賦之

青山揮天玉一朵晚相二公曾燕坐當時說法
動人天應有仙樂飄空下笙簫忽散返玉樓偶
遺寶笛誤不忖千年鬼護秘扃鑰神物自隱人
難搜吾師眼聖獨見之信手摩挲心自竒靈珠
本為異人出古器那宜今世知外費天巧非人
鑄中含龍吟豈俗傳曹植謾誇雲夢竹蔡邕空
識柯亭掾據床三弄清裂石長風挽落猶滴滴

一殷若作師子吼堪笑禪家無孔笛

飲通師所寓崇教寺方丈會者十餘人

及酒酣琴瑟交作倡戲并呈時有御前

人與師隨喜成大藏故來赴予舊習津湧使坐客唱

韻走筆一人例唱四韻無自押傍韻

斗城南角蒼巖根金龍鐵鳳飛凌雲初來落日

半西軒呌鶴呼鷗空自聞主人接遇一何勤匡

山遠老引陶君笑談足使水叟溫十月天氣為

春醺地爐試近榻拙火駱駝高坐空閑話醉中

風味莫如我坐客啁啾知者寡我言人生若電

過富貴榮華花易謝少年一去又可奈要須酩
酊飛羽罽君看七貴與五侯數窮未免九原遊
假令去者或更留萬歲千年如一秋古今人事
秋雲浮白日西汲水東流人間迫東南冠囚飛
鳥在籠魚在釣我言未終客起舞有如風前摧
玉樹直把朱絃信手撫細聲切切如私語多生
緣重各相遇又恐明朝散如雨東方曼倩今已
逝淳于先生又何處二君繼出伎倆多相將握
手來僧家吾師大度如江河許客爾輩同其波
我今賦命恨蹉跎借汝戲謔聊酣歌平生歡笑

莫此過東方欲曙奈樂何

訪巖禪老用壁上書簇詩韻二首

笑却東華一餉榮獨披駝褐訪南能靜中得句
堪呈佛欲寫時呵玉硯冰

石鼎烹茶代酒危擁爐圍坐熨寒衣香畦縈穗
青炯直摘腦分漿玉露飛

同文長老韓韶訪崔秀才宗藩書室

偶作龍三友同尋鳳一毛崔乃令相國誥季子霽光浮陌

樹芳意著園桃城市猶堪隱空虛不必逸縹堆
齊架帙朱染注經毫愛客頻投轄題詩剽奪袍

暫乘浮白興為輟
汗青勞交愛心雙照
醺添氣
大豪相逢須劇飲
風味屬吾曹

暮春同崔博士甫
淳訪尹注簿世儒
置酒用東坡詩韻
各賦

對酌三盃酒難窺
數仞墻落花詩思
亂殘日醉歌長我
鬢初抽綠君名早
飲香相逢文字飲
何必羨伊涼

復和

綠樽傾北海紅臉
憶東墻日月衰容
換乾坤舞袖長室
蘭曾襲臭佩蕙各
紉香賴有清風榻
披

襟快納涼

又贈尹公

蔡門初倒屣闕里孰麾墻
筆海怒濤迅醉鄉歸路長
鵝黃空酌酒雞舌早含香
何日同簪管賡吟殿閣涼

感興

有舌不可掉有眼不可泣
誰能測予懷竟日空悒悒
豈為我身寒藍縷憂難緝
豈為我腹空蔬食憂不給
所憂意殊深疊之仰天立
仰天益自傷北斗不可挹
何容卽累累何人冠岌岌
梁鵲

味不濡穴鳳羽長戢檻并不早嚴豺虎蒲州邑
賈誼流涕二鄭公論漸十慷慨二子心今者知
誰襲嗚呼難重陳兒小言耳耳

代陳同年湜和舍弟澤隨父之東京憶
兄見寄二首

寄語郎君早早歸欲師鄆郾世同居憐渠獨扇
蚊飛枕恨我難憑犬寄書莫效胡威空問綃已
聞羊續久懸魚錦囊詩草三千首多是花前醉
興餘

二年相憶苦難歸身寄幽蛸殼底居吏散獨陪

棠樹菱客來應向練裙書

隨父在任
故用此事橫經漂麥

思高鳳問禮趨庭想伯魚要識來期竹漸迤兩
條黃色上眉餘

題璨首座方丈

雙眉無處展一笑為誰開日欲三竿上房尋十
笏來釵頭頻落地品字漸成灰山室茶談足何
須索酒盃

又賦木如意占字

僧家無長物獨此最堪觀玄鶴頭方側蒼蛇尾
半蟠堅頑等身木安穩護肩山莫使季倫見珊

珊瑚樹不完

六月十七日訪金先達輟用白公詩韻
賦之

羨君猶少年蕭洒臨風樹嗟我漸素秋衰髮稀
可數相逢笑彈指二紀真電露昔年交遊輩雲
散各何處唯殘二人在顏色坐成故共遊京洛
中風塵化衣素三旬密雨天萬木蒼烟暮此時
訪君來何忍辭君去借君醉鄉留忘我儒冠誤
慎莫談世緣俱是孟門路

金君乞賦所飲綠甕盃用白公詩韻

賦

落木童南山放火烟蔽日陶出綠甃盃揀選十
取一瑩然碧玉光幾被青煤沒玲瓏肖水精堅
硬敵山骨迺知埏埴功似借天工術微微點花
紋妙逼丹青筆鏗然入我手快若羽觴疾不羨
杼公銀羽化一朝失清亘蓄詩家巧或如尤物
主人有美酒為爾頻呼出莫辭三四巡使我醉
兀兀

初秋又與文長老訪金轍用白公詩韻
各賦早秋詩

銀箭初驚漏漸遲
撐林朱實燦離離
輕絺罷薄身先認
團扇思踈手始知
碧樹露寒蟬嘒曉
盡梁泥盡鷺歸時
要看詞客偏多感
宋玉悲辭吏部詩

又贈金君

珍重金君愛客心
見來長共酒盃深
霜秋少睡先鷄起
露曉多情伴鶴吟
俊拔子應三耳湧
衰遲我已二毛侵
相逢話舊翻悽悵
挑盡青燈淚濕襟

又用白公韻賦文長老草履

君從江南來山水千萬曲何人餉草履促密宜

老宿

唐朱桃椎織芒履促密環繞宜以

行惹楚花香踏遍秦草

綠織巧桃椎芒折非靈運木舊物那忍遺護足
度溪谷下邳行可封已使草華伏遠遊當借君
副之以杖竹

次韻聆首座寄林工部 并序

予昨詣方丈師偶言曰禮山香川寺是吾
之舊居也為賊兵所歷顛沒已久故人林
工部巡按此郡俾郡宰陳君具材營葺予
以詩謝之子亦可廣和耶曰出其詩示之

即和成一首奉呈

吾師釋中老於世真為洲周回在巨海高顯無

在涿自從得際斷萬事徒悠悠大般若言何善現

與世間作洲渚故發趣無上正等佛言此如巨

海大小河中高顯可居周回永斷是名洲渚如

是善現色前後際斷乃至諸佛孤高青霞想躡

正等占此前後際斷一切法斷躡支許儔天子為邀致一別煙林幽流水戀舊

浦白雲思古丘雖蒙賜袍寵身若生瘡疣又狀

人世隘譬如跡屬囚愛山似麋鹿捉月非猱猴

香川是舊居雲水好在不悵望數間屋摧頽半

巖頭自言旦暮去無厚山之羞夢先身獨往萬

里隨輕颺不是不身歸閱世故應留幽徑久無
後來訪無羊求廢井桐圭滿荒階苔錦稠或恐
樵蘇輩刈松落蒼虬又惜林下泉盡屬野民喉
經室鞠為圉旅草生油油溪苔人不採阻入紫
花甌問師何苦戀未展雪眉脩比之鳥棲處此
若由籠抽比之魚遊處此可免舍鉤薄雲鋪魯
縞恠石列荆璆何以充爨爨新枯楠大斂牛至今
猶在耳鳴鶴與鳴鳩塵侵墨蜂鬣最是師心憂
師雕造無量壽如來送安是寺故每欲起殿宇
師詩常憂野馬集翳損青蓮時

碣基剛縹緲臨水亞綠戶架巖聳丹樓中成佛

龕室彩棟蛟龍鏤耽耽極壯麗堯率牛頭偁此
意久未就林泉為之愁林公古丈夫智弑龜六

眸公餘遊古寺萬景赴冥搜咄嗟構飛閣翔翮

得自由想像殿壁間天人列弓矛自昔浮屠者

成物由邦侯吾聞頭陀寺楚都信為樞室就孔

江夏堂成蔡邕州是助宗法師結構留千秋層

軒丹刻煥深殿睟容柔

頭陀寺碑云層軒延哀
又云丹刻翬飛睟容已

安又聞章留後偶向廢寺遊世尊亦塵埃古殿

空颺颺寺僧遇使君告訴不自休章公顧歎徒

棟宇俾營修

蘇軾

章

留後

遊山寺詩曰雖者

傳亦塵埃使君騎紫馬

馬

馬


奉擁從西來山僧衣鉢告訴棟架書傳名煥
推公為顧兵徒咄嗟檀施開云云
煥千載尚鬱攸此輩復不見此事復誰收唯師
與林公名與古人優我亦不檢束牽憲無五楸
誓將陪瓶錫同為香火謀

東國李相國全集卷第八

卷之八

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some minor discoloration and a small dark stain near the top center. A larger, irregular tear or hole is visible near the bottom center, where the paper has been damaged. The page is otherwise empty of any text or markings.

卷之六





集國相李

三